



綿竹縣鄉土志

20280.99  
5399  
=1



綿竹縣鄉土志



綿竹縣鄉土志



序

曷志乎爾為蒙學地也前此無志乎沈公琢如業筆於嘉慶之十有八年矣其目四十有四其言數萬有畸踵而襲之母乃贅乎曰彼詳此略義各有所之也其義奈何援幼穉牖明聰繁則難簡則易故略之略之奈何歷史也地理也格致也綱凡三曰本境曰政績曰兵事曰耆舊曰人類曰戶口曰氏族曰宗教曰實業曰山水曰道路曰物產曰商務目凡十有三爍

綿竹縣鄉土志

序

如朗如引而伸之觸而長之廓如也儒學識譎陋率爾操觚極知僭妄無所逃咎大雅君子俯而教之幸甚幸甚

朱儒宗識

綿竹縣鄉土志

凡例

一編纂是志謹遵編書局所頒例目不敢陵躐後先任意增減昭其慎也

一是志采取率以邑乘為主凡事必有關於風俗人心可資感勸者錄之否則闕如

一政績止取縣志之已載者錄十之一二詳其事實紀其顛末若未經志載者概未攔入

一兵事止取有關本境者竟其源委否則不載

凡例

一者舊名目雖繁總以激發人心矜式後學為宗旨否則不敢濫入懼標榜也

一名宦鄉賢奏準入祠者始錄非則否

一格致動物植物卅物止取本境所有者一一錄之

一製造以煙紙茶炭酒絲為大宗若其細已甚者遺之

一是志辭以達意而止不矜藻采不尚繁多為蒙學易解故也

一後坳蒙學便讀一卷儒以為敘事之文參差繁博索解殊難尤恐兒童過目輒忘不能久記以三言綴之

簡而明俗而淺於初階或不無小補云  
一每條大目下綴以數言揭出所以然之故醒眼目亦  
以識取資也  
一蒙學便讀每大目結尾後發明宗旨短簡淺俗取其  
易解易記故

朱儒宗又識

綿竹縣鄉土志卷之一

中書黃尚毅校勘

邑舉人朱儒宗編纂

視學安永祥參訂

本境錄

老子云不出戶知天下太史公學以遊進蘇子  
由云欲周覽天下名山大川以擴其見聞儒者  
讀萬卷書行萬里路豈沾沾於跬步間哉然近  
者遠之基苟本境茫然雖侈語五洲奚當也蒙  
學讀此則知行遠自邇之義是智育之萌芽也  
作本境錄

綿竹縣鄉土志

歷史 本境錄

一

綿竹古蜀山氏地蜀自黃帝昌意娶蜀山氏女曰女樞  
生顓頊高陽氏封其支庶於蜀歷夏商周武王伐紂會  
於牧野蜀與焉漢靈帝中平五年戊辰三月以劉焉為  
益州牧六月州從事賈龍迎焉徙治綿竹綿竹實自漢靈帝中平五  
年獻帝興平元年甲戌十二月綿竹城災晉武帝泰始  
二年廢廣陵置新都郡綿竹屬焉後改縣為晉熙郡東  
晉敬帝太平元年魏恭帝禪位於宇文覺國號周而蜀  
隸於北周改郡為晉熙縣唐太宗貞觀元年丁亥二月  
命大加併省因山川形便分為十道蜀為劍南道綿竹

屬濠州

即彭縣今併入新繁

武后垂拱初屬漢州宋太祖乾德三

年蜀主昶降縣仍唐制宋仍劔南道分四路成都為西路綿竹仍屬漢州元世祖至元八年綿竹省入漢州置巡檢司後廢巡檢司復置縣明太祖洪武三年四川分東西南北成都府為川西漢州隸焉綿竹仍隸漢州國朝順治十六年戊戌全川平綿竹始入版圖康熙二十六年綿竹省入漢州隸成都府雍正五年綿竹改隸綿州至今仍舊然則綿竹實自漢靈帝中平五年置至其稱名晉熙其始也而武都孝水旋復旋更惟綿竹自

綿竹縣鄉土志

歷史

本境錄

二

隋唐至今不易

唐虞夏商周屬蜀東周襄王時蠶叢氏始稱王次日枸灌次日魚鳧皆其子也魚鳧之後曰杜宇氏七國稱王遂稱帝號曰望帝會有水災其相開明斡靈決玉壘以除水害遂法堯舜禪位於斡靈號叢帝至九世孫曰開明尚徙治成都而綿竹為蠶叢國西之附庸春秋戰國仍屬蜀

秦漢以降晉宋齊梁魏周置晉熙郡晉熙縣隋唐五代宋元明國朝名綿竹縣

梁史名武都縣隋更名孝水縣

晉泰始二年屬新都郡唐貞觀元年屬濛州宋乾德三年屬漢州明洪武三年仍隸漢州 國朝雍正五年改隸綿州

### 政績錄

親民之官莫先於州縣漢代良吏史不勝書而龔黃杜召輩跡其政績大較農桑學校教誨多方久遂浹洽民心稱慈父母綿有良有司何多讓焉蒙學讀此知窮經致用是經濟發軔之端

綿竹縣鄉土志

歷史 政績錄

三

異日居官必有擇其尤而師之者作政績錄

漢閻憲字孟度東漢章帝章和間為綿竹令以禮讓化人縣民杜成夜行得遺賄一囊有錦二十匹求其主還之或曰暮夜無人何不持去曰縣有明府何敢負也此以德化人非俗吏所能為者

張嶷字伯岐巴西郡南充人也益部耆舊傳曰嶷出自孤微而少有通壯之節弱冠為縣功曹先帝定蜀之際山寇攻縣縣長捐家逃亡嶷冒白刃攜負夫人得免由是顯名州召為從事時郡內士人龔祿姚佃位二千石

當時有聲名皆與嶷友善建興五年丞相亮北住漢中  
廣漢綿竹山賊張慕等鈔盜軍資刼略吏民嶷以都尉  
將兵討之嶷度其烏合難以戰擒乃詐與和親刻期置  
酒酒酣嶷身率左右因斬慕等五十餘級渠帥悉殄尋  
其餘類旬日清泰此有智有勇能削平禍亂者

晉呂乂字季陽河南南陽人也靈帝中平五年父常送故  
將軍劉焉入蜀值王路隔塞遂不得還乂少孤好讀書  
鼓琴初先主定益州置鹽府校尉校鹽鐵之利校尉王  
連請入為典曹都尉遷新都綿竹令乃心隱卹百姓稱

綿竹縣鄉土志

歷史 政績錄

四

之為益州諸城之首後遷巴西太守徙漢中太守亮卒  
累遷廣漢蜀郡太守後入為尚書代董充為尚書令乂  
歷職內外治身儉約謙靖少言為政簡而不繁號清能  
此人品高潔才具兼優者

宋宇大師獻字德濟成都人少師粹中之子高宗少興中  
以恩補丞務郎由德陽丞遷綿竹令以種學績文為事  
從其鄉之老成故工部員外郎李良臣及秀士黃鈞李  
流謙遊聞見益廣聲譽益著居官惟謹曾詔從臣各舉  
所知尚書兵部侍郎楊椿以聞詔赴行此風雅儒吏有

裨於膠庠者

明陶文斌字無攷湖廣襄陽人洪武初綿竹始建文斌首知邑事兵革之餘百度燬廢令學校縣治及諸制作皆其餘矩撫綏流移瘡痍民賴以安卒於官葬治西子孫家焉此創造經營規模宏遠者

邢大經字無攷陝西平涼舉人正德初令綿竹性勁直無阿避民俗好訟邢順其情而導之訟者漸息邑不發科二十餘年聘名郡登薦之士為師令邑中子弟受業更闢城巡城聞有誦讀聲及見衣冠整肅者且賞勸之

綿竹縣鄉土志

歷史 政績錄

五

諸生感動有夜不眠者自後文教彬彬皆其振作之力民間或有婚姻失時為之釐正及貧不能嫁娶者悉令於公配之邑中公廨皆有修葺尤首於學校百役咸作民不苦擾死之日囊橐蕭然士民哀之立祠肖像歲時祀焉此性正才優極有能聲者

陸經術字無攷廣西灌陽人崇正丁丑李逆自成劫掠綿邑其後陸公繼之至集父老曰賊氛方熾何堪為處堂燕乎首捐四百六十金庚辰躬督修築城垣春興秋竣雉堞高厚嗣獻賊至以城堅固不得入闔邑頌曰陸

公生我時已易代今猶稱之此能捍大患易危為安者  
任紹曠字思庵山西河津人康熙甲辰進士由長沙府  
知府因公降調壬申冬令綿竹性端方嚴禮法誓絕苞  
苴折獄如神凡訟皆發原告自喚犯證不用差役恐累  
民也吏胥惟擇老成忠厚者為之餘悉汰去常單騎出  
郭勸耕種問疾苦如家人父子邑不習桑公教以栽種  
善法令報數登記勘榮枯行賞罰焉蠶絲之利自此始  
召士子讀書東廡親加訓課定端蒙養教條頒各鄉學  
又輯小兒語抄發與民間每朔望行香令鄉耆擊鐸導

綿竹縣鄉土志

歷史

政績錄

六

前高唱八條以喻人入則宣戒石銘以自警尤加意學  
校賑卹窮寒真仁廉父母也惜在任僅一年而卒貧無  
以殮藩憲高公起龍深憫之賻送歸焉此以養以教無  
愧慈惠之師者

國朝王謙言字山介江西安福人領康熙壬子科鄉試丙  
子令綿竹時兵劫後一切彫瘵公新硯初試矢潔如冰  
凡撫綏遺黎衣之食之者靡不盡其心力數年政通人  
和百廢漸舉念邑志為敷治之本觀法系焉顧文獻無  
稽父老莫問乃旁蒐博采哀然成集俾邑之忠臣孝子

大將名儒一切政績文章燦然於上下千百年間蓋竭  
心血者數年矣有功綿竹此其惟最其他善政累累散  
見簡帙皆可攷也首尾七年至令人猶不忘此廉能卓  
著兼有志乘流傳者

陸箕永字二水江南華亭人以廩生舉鴻博滯東觀者  
十年康熙五十一年出宰綿竹為人溫柔敦厚風雅令  
也政績具形於詩蜀遭兵劫後土著少報墾半楚民屢  
以客戶陵土著訟庭多事永履田畝正經界釐剔隱蔽  
無月不信宿在外憩必蘭若至必題詠為治亦勞矣昔

綿竹縣鄉土志

歷史 政績錄

七

唐宣宗於禁中聞李遠詩至長日惟消一局棋心嘆之  
謂此何以理民當時侍臣曲為解免以永視遠其勞逸  
何如也漢循良以經術飾吏治而永則以風雅文之又  
可少乎其他表章忠義培建書院創修尉署及本衙一  
切廢墜次第咸舉詩文載原志頗夥其流風餘韻概可  
想見此文雅之吏能耐勤勞者

安洪德字碩伯山東聊城舉人由綦江調任綿竹惠政  
甚著課農桑修水道嚴保甲勸積貯一切加惠元元靡  
不周詳且備為人強幹奮發邑有謝家庵為妖道霸據

訐訟累年洪水其書散其徒整其宇為南軒書院求先生裔主祠奉祀事故民張千仞絕田八十餘畝族中爭訟不休洪斷屬景宣書院以資膏火其尊崇先哲作育人才修廢舉墜口碑載道矣性廉介不苟維持風氣官與民皆樸質相安偶因公下鄉即柴薪米菜無不自隨者歷任七載以調華陽去此廉潔有守惠政周浹者吳一璜廣東西寧人康熙丁酉舉人乾隆七年題署綿竹政尚篤實能補前人所未及下車謁廟見泮池西偏為街民侵占斜其徑以入乃嚴界址俾方正與左配浚

池修橋體制甚備邑書院兵燹後寥落無存前令尹漸遠首創於縣署右側歷饒陸宋鮑闕諸公僅仍舊補葺璜上任陋其狹隘不足容諸生肄習移於西街靈寶觀故址建講堂六楹房舍四十三間顏其額曰晉熙書院嗣又擇適中地創立社倉二十間不使穀藏私家官得核實詳革民不受把持之苦更建養濟院六間倡捐贖回絕戶張當出田及廢廟基地共七十畝歸養濟院俾老病孤獨之民得以資生凡其仁心所及不憚煩瑣而為之首尾九年民樂政和額手相頌此創垂遠大真有

德有才者

陳天德山西長子人由拔貢攷教習館以知縣用乾隆  
己卯令綿竹為人長身貌臞性沈默喜怒不形甫下車  
巡行四境知民多荒嬉督使插柳栽桐竭力南畝每春  
耕夏耨時輒出勸農攜酒食等禾苗茂或異他塍者勞  
以榮之若汙萊不治即斥辱或杖馬其他勤勞類如此  
好讀書獎拔士林公餘即詣書院進諸生講堂以孝弟  
忠信相敦勉士故愛而敬之為政能以至誠協神明婦  
有夜被殺者緝兇不得主名禱諸城隍甫出廟有書吏

綿竹縣鄉土志

歷史

政績錄

九

忽仆地血盈溢面目公心動回署一鞠即伏在任七載  
甚得民心時各省城工事起奉檄察問可否照江南捐  
修公列几筵酒漿諮四民於庭導以自行報輸一時人  
情踴躍前後得數以萬五千計城工速竣後因公罣誤  
得病臨行闔邑製萬民衣傘夾轅送者千餘人至劍門  
歿時家得異夢謂公為邑城隍神來相探視邑人於公  
去後即奉長生牌位廟中云

賈文召字櫻峯甘肅伏羌人領乾隆丁酉鄉薦嘉慶元  
年補綿竹令為人剛正不阿有吏才敏於決斷而決得

其情實吏民畏服不敢欺時邑民多習刁惡魚肉鄉里  
召因事痛懲風遂息民得安寧曾大書除莠安良四字  
額頭門外左右坊由是德者固多而怨者亦不少召不  
恤也會教匪擾及潼綿一時風聲鶴唳男婦塞途奔避  
城中城守嚴不得入呼號聲徹內外召即命大開城門  
悉縱入有為召危者召曰皆吾民也內外何異視事苟  
不濟徒迫之從亂耳而不知密伺非常早於城廂內外  
部署周慎數日無事始各散歸鄉里奉檄團練鄉勇不  
時赴團所點勘獎勵自備行糧毫不以累出贓罰銀於

四關外聯絡處築高臺建哨樓四座補葺城垣分撥鄉  
勇晝夜防守軍務旁午猶盡心攷試及書院月課等事  
復舉賓興典禮廣張几筵資送卷價以示獎勵蓋其才  
餘於邑無論常變鉅細處之裕如也在任五載會病移  
疾去此剛正不阿常變成宜者

李霖江西南豐人由乾隆庚子科舉人大批一等分發  
四川嘉慶七年題授綿竹性慈祥尚儉約能下賢禮士  
御民以靜涖事以簡四境安之到任後重修內衙正署  
及文昌宮補築東門河隄立先農壇廟宇整飾文廟復

申明亭前後在任七載以清操著此雅靜端方出為能吏者

### 兵事錄

兵書昉自風后握奇經太公陰符降則武侯圖陣孫吳兵書三書寶鑑等類鈞可參觀致用顧世有治亂時有盛衰將有良否則事不一事非鑑古知今何以識運用一心之妙讀此則知伏莽興戎交綏奏捷危何以安紛何以靖前人之運籌決勝皆足濟吾之睿智練吾之膽略是亦智

綿竹縣鄉土志

歷史 兵事錄

一十

育之噉矢也作兵事錄

漢韓揆字伯彥令奇哀主簿也靈帝中平五年六月涼州逆賊馬相趙祇等於綿竹縣自號黃巾聚疾疫之民一二日得數千人先殺綿竹令李升便破雒縣攻益州殺刺史郝儉又剗蜀郡捷為旬月破壞三郡自稱天子眾以萬數先是揆扶哀藏草中哀遣求隱翳未還賊獲哀害之揆殮畢詣州從事賈龍求兵攻相等數日破走揆曰求報令君而苟自活非忠也遂自殺賊既平賈龍乃吏卒迎劉焉徙治綿竹

諸葛瞻字思遠武侯亮子琅邪陽都人也建興十二年  
亮出武功與兄瑾書曰瞻今已八歲聰慧可愛嫌其早  
成恐不為重器耳嘗戒之曰君子之行靜以修身儉以  
養德非淡泊無以明志非寧靜無以致遠後益進修工  
書畫強識年十七尚公主拜騎都尉明年為翰林中郎  
將屢遷射聲校尉侍中尚書僕射加軍師將軍每朝廷  
有善政咸曰諸葛瞻所為也景耀四年後主以瞻為行  
都護衛將軍六年癸未改元炎興冬十月魏遣鄧艾伐  
蜀自陰平景谷道行七百余里無人之地至江油瞻督

綿竹縣鄉土志

歷史

兵事錄

二十

諸軍拒艾至涪縣

州今綿

艾擊破前鋒瞻退保綿竹艾遣

書誘瞻曰若降者必表為琅邪王瞻怒曰事之不濟則  
已耳安能復為之下斬其使列陣以待艾遣子忠出其  
右司馬纂等出其左戰不利並引還艾叱忠纂等將斬  
之馳還更戰瞻大敗力戰而死時年三十七長子尚繼  
死之並葬於綿竹西郊

東漢光武建武十二年己未春三月遣吳漢等將兵會岑  
彭伐蜀十二年吳漢進攻成都九月入其郭臧宮拔綿  
竹引兵與漢會